

## Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

04.05.2018թ.

ք. Իջևան

ՀՀ ԱՆ ԴԱՀԿ ապահովող ծառայության Տավուշի մարզային բաժնի հարկադիր կատարող՝ արդարադատության լեյտենանտ Լ. Եսայանս ուսումնասիրելով 29.01.2018թ. հարուցված թիվ 03977697 կատարողական վարույթի նյութերը՝

## Պ Ա Ր Զ Ե Ց Ի

Տավուշի մարզի ընդհանուր իրավասության դատարանի կողմից 07.12.2017թ.-ին տրված թիվ ՏԴ1/0543/02/16 կատարողական թերթի համաձայն պետք է Հենրիկ Արթուրի Ավետիսյանից հոգուտ <<Արարատ բանկ>> ԲԲԸ-ի բռնագանձել 77,220 ՀՀ դրամ և հաշվեգրվող տոկոսներ: Բռնագանձում տարածել վարկային պարտավորությունների կատարման ապահովման նպատակով ՊՄԳ-3351-151ՎՕ ակտում նշված ոսկյա իրերի վրա:

Պարտապանից պետք է բռնագանձել նաև բռնագանձման ենթակա գումարի 5 տոկոսը, որպես կատարողական գործողությունների կատարման ծախս:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28,43 հոդվածներով և «Հրապարակային սակարկությունների մասին» ՀՀ օրենքի 35.1 և 35.4 հոդվածներով՝

## Ո Ր Ո Շ Ե Ց Ի

Պարտապան՝ Հենրիկ Արթուրի Ավետիսյանին պատկանող, գրավի առարկա հանդիսացող ներքոնշյալ ոսկյա զարդերը՝

| h/h | լոտի անվանումը նկարագիրը                           | գնահատման<br>գինը | մեկնարկային<br>գինը | գույքի<br>քանակը |
|-----|----------------------------------------------------|-------------------|---------------------|------------------|
| 1.  | Ոսկյա խաչ, 580 հարգի ոսկուց, օգտագործված, 0,8 գրամ | 9.520 ՀՀ<br>դրամ  | 7.140 ՀՀ<br>դրամ    | Մեկ հատ          |
| 2.  | Ոսկյա խաչ՝ 580 հարգի ոսկուց, օգտագործված, 0.8 գրամ | 9.520 ՀՀ<br>դրամ  | 7.140 ՀՀ<br>դրամ    | Մեկ հատ          |
| 3.  | Շղթա՝ 580 հարգի ոսկուց, օգտագործված, 2.4 գրամ      | 28.560 ՀՀ<br>դրամ | 21.420 ՀՀ<br>դրամ   | Մեկ հատ          |
| 4.  | Ականջօղ՝ 580 հարգի ոսկուց, օգտագործված, 2.8 գրամ   | 33.320 ՀՀ<br>դրամ | 24.990 ՀՀ<br>դրամ   | Մեկ զույգ        |

Ներկայացնել հարկադիր էլեկտրոնային աճուրդի, աճուրդի էլեկտրոնային համակարգի կիրառմամբ՝ Հարկադիր Կատարումն ապահովող ծառայության աճուրդի էլեկտրոնային կայքի՝ [harkadir.achurd.am](http://harkadir.achurd.am) կամ [www.ajurd.am](http://www.ajurd.am) միջոցով:

**Հարկադիր էլեկտրոնային աճուրդի սկիզբ է սահմանվում՝ «25» հունիս 2018թ.**

Որոշման պատճեն ուղարկել կողմերին:

Որոշումը կարող է բողոքարկվել ՀՀ Վարչական դատարան կամ վերադատության կարգով որոշումը ստանալու օրվանից տասնօրյա ժամկետում:

«Դատական ակտերի հարկադիր կատարման մասին» ՀՀ օրենքի 28-րդ հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները:

**Ծ Ա Ն Ո Թ ՈՒ Թ Յ ՈՒ Ն՝** Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել Հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո:

**ՀԱՐԿԱԴԻՐ ԿԱՏԱՐՈՂ՝  
ԱՐԴԱՐԱԴԱՏՈՒԹՅԱՆ ԼԵՅՏԵՆԱՆՏ**



**Լ. ԵՍԱՅԱՆ**